

UNIT 1

Present continuous (I am doing)

Hozirgi zamon davom fe'li

A Quyidagi misolni o'rganing:

Anna avtomashinasida o'tiribdi. U ishga borayapti..

She is driving to work. - U ishga mashinada ketayapti.

Anna aynan *hozir*, yani so'zlashilayotgan vaqtda mashina haydayapti. Ish-harakat tamomlangani yo'q.

Am/is/are -ing - *present continuous* ning yasallish formasi:

I	am	(= I'm)	driving
he/she/it	is	(= he's va hkz)	working
we/you/they	are	(= we're va hkz)	doing va hkz



B *Present continuous tense* nutq so'zlanib turgan paytda bajarilayotgan ish-harakatni, davom etayotgan biror voqea yoki hodisani tasvirlash uchun qo'llaniladi.

I am doing something = Men biror ish-harakat bajarayapman, ya'ni bajarish jarayonidaman. Men biror ish-harakatni boshlab, hali tamomlaganim yo'q.

Odatda ish-harakat so'zlashilayotgan vaqtda sodir bo'ladi:

- **Please, don't make so much noise. I am working.** - Iltimos, buncha ko'p shovqin qilmang. Men ishlayapman. ("I work" *emas*)
- **"Where's Margaret?" "She's having a bath."** - "Margaret qayerda?" "U vanna qabul qilayapti". ("she has a bath" *emas*)
- **Let's go out now. It isn't raining anymore.** - Keling, tashqariga chiqamiz. Yomg'ir boshqa yog'mayapti
- (*bazmda*) **Hello, Jane. Are you enjoying the party?** - Salom, Jeyn. Bazmdan rohatlanayapsanmi?

Lekin ish-harakat aynan so'zlashilayotgan vaqtda sodir bo'lmastligi ham mumkin. Masalan:

Tom va Anna kafeda suhbatlashayapti. Tom deydi:



I'm reading an interesting book at the moment. I'll lend it to you when I've finished it.

"Hozir qiziq bir kitob o'qiyapman. O'qib bo'lganimdan keyin uni senga berib turaman."

Tom kitobni so'zlashilayotgan vaqtda, ya'ni Anna bilan kafeda o'tirib, o'qiyotgani yo'q. U kitob o'qishni boshlab, hali tamomlamaganini nazarda tutmoqda. U kitob o'qish jarayonida.

Yana bir qancha misollar:

- **Catherine wants to work in Italy, so she is learning Italian.** - Katerina Italiyada ishlamoqchi, shuning uchun u italyan tilini o'rganayapti. (lekin u italyan tilini aynan so'zlashilayotgan vaqtda o'rganayotgan bo'lmastligi ham mumkin)
- **Some friends of mine are building their own house. They hope it will be finished before next summer.** - O'rtoqlarim uyini o'zlari qurishayapti. Ular uni kelasi yozgacha tamomlash umidida.

C *Present continuous* hozirgi zamonga yaqin bo'lgan davr ichida (mas., **today/this week/this evening** va *hkz*) sodir bo'layotgan ish-harakat va o'zgarishlar haqida gapirilganda qo'llaniladi:

- **"You're working hard today."** **"Yes, I have a lot to do."** - "Bugun qattiq ishlayapsan." "Ha, qiladigan ishim ko'p". ("you work hard today" *emas*)
- **"Is Susan working this week?"** **"No, she's on holiday."** - "Syuzan bu hafta ishlayaptimi?" "Yo'q, u ta'tilda".
- **The population of the world is rising very fast.** - Yer aholisi juda tez o'sayapti. ("rises" *emas*)
- **Is your English getting better?** - Ingliz tiling yaxshilanayaptimi?